



## Rekordan ulov pripadnika UIO BiH i istražitelja SIPA-e

# Pala 82 kilograma heroina, vrijednog 12 miliona KM!

Pripadnici SIPA-e potvrdili da se radi o heroinu  
(Foto: ilustracija)

Heroin pronađen u kamionu koji se nalazio u krugu jedne zeničke firme ● Pošiljku, koja je stigla iz Bugarske, duže vrijeme pomno pratile bh. obavještajne službe

Službenici Uprave za indirektno oporezivanje (UIO) BiH, u koordinaciji sa pripadnicima **Državne agencije za istrage i zaštitu (SIPA)**, zaplijenili su 19. jula na području Zenice skoro 82 kilograma heroina. To je, ujedno, najveća zapljena ove droge na području Bosne i Hercegovine, čija se tržišna vrijednost procjenjuje na više od 12 miliona maraka!

### Posebni tester

Kako saznajemo, dobar dio zasluga pripada službenicima UIO BiH, koji su i otkrili drogu. Pošiljku je duže vrijeme pomno pratila bh. obavještajna služba, koja je svoja saznanja prenijela službenicima UIO BiH.

Izvor blizak istrazi otkrio nam je da je droga pronađena u kamionu u krugu jedne zeničke firme te da je pošiljka u BiH stigla iz Bugarske. Isti izvor kazao nam je da službenici UIO BiH nemaju potrebne testere, zbog čega su u pomoć pozvali pripadnike **SIPA-e**, koji su posebnim testerima potvrdili

daje riječ o heroinu.

Droga se, kako se vidi na fotografijama koje su zabilježili službenici UIO BiH, nalazila u kartonskim kutijama.


Prema nezvaničnim informacijama, istražitelji sada provjeravaju da li je firma u čijem je krugu pronađen kamion, ima veze s transportom droge. Za sada nije poznato ni da li je vozač kamiona zatečen prilikom pretresa.

### Balkanska ruta

Posljedna veća zapljena heroina u BiH dogodila se davne 2005. godine u Sarajevu, kada su policajci zaplijenili skoro 40 kilograma heroina, ulične vrijednosti od 7,5 miliona KM. Droga je takozvanom balkanskom rutom s istoka trebala biti prebačena u zapadnu Evropu.

Prilikom pregleda pošiljke i otkrivanja sakrivenog heriona

korištena je specijalistička oprema koju je službenicima UIO BiH donirala vlada Sjedinjenih Američkih Država putem EXBS-s – Programa za kontrolu izvoza i sigurnost granica. Od posebne pomoći, kako su saopćili iz UIO BiH, bio je CT-40 videoskop, a od velikog značaja su bile i obuke koje su prošli službenici UIO BiH.  
**A. KAPO**



Službenik UIO BiH vadi drogu iz kutija (Foto: UIO BiH)



Oduzeta droga

## Potruga za počiniocima

Aktivnosti policije izvedene su uz nadzor dežurne tužiteljice Tužilaštva BiH. Iz **SIPA-e** su šturo saopćili da će njihovi pripadnici i službenici UIO-

BiH, u saradnji s Obavještajno-sigurnosnom agencijom BiH, nastaviti aktivnosti radi dokazivanja počinjenog krivičnog djela te pronalaska počinitelja.